



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apeqquq imaattoq saqqummiuppara:

Naalackersuisunut apeqquq:

- 1. Aalisartut ingerlariaqqikkusuttut peqatigiiffiat AIP-mut misissuisitsineq qanoq ingerlava?**
- 2. Aalisartut ingerlariaqqikkusuttut peqatigiiffiat AIP tassani misissuinermi ilaatinneqarpaa?**
- 3. Kikkunnit suliaasaq ingerlanneqarpa?**
 - a) Aammalu suliakkiussut qaqugu naammassissava?**
- 4. AIP sooq misissuisitsinermi ilaatinneqanngila?**
- 5. Aalisartut ingerlariaqqikkusuttut peqatigiiffiat AIP suliaq naammassippat siulersuisui naapinneqarlutik ataatsimeeqqatigineqassappaat?**
- 6. Naalackersuisut qanoq eqqarsarpat AIP-mut tunngasunik sulianut peqataanissaminnut.**

(Inatsisartuni ilaasortaq Hans Enoksen Naleraq)

Tunngavilersuut:

Aalisartut ingerlariaqqikkusuttut peqatigiiffiat Partiinut tamanut nassiussaqarpoq ulloq 7. april 2022 tassanilu allagaanni ersarissumik oqaatigineqarpoq misissuinermit ilaatinneqanngivillutik aningaasanik inatsisikkut 2021-imi konto pingaarnermi 20.11.70 immikkoortinneqartukkut. Misissuinerit 1990-imi aalisarnermut inatsisip nutaap akuerineqarnissaata tungaanut periuserineqarsimasut siunertarineqarlunilu taamanikkut rejerniarnerup aqqissuiffiqeqqinneqarneqarnissaa. 2021-imi 2,5 mio. kr. immikkoortinneqarput tassunga misissuinissamut. Suliaq qanoq ingerlanneqarnera piaartumik paaserusunnarpoq Aalisarnermut inatsisissaq eqqartorneqartussaammat soorunami namminneq aamma ilisimasaqarnissartik pisariaqartimmasuk.